

葉天士萬應奇效祕方一千五百種

(第三冊)

內科門

臌脹類

(病因說明) 七情內傷六淫外感飲食不節房勞致虛脾土

之陰受傷轉輸之官失職胃雖受穀不能運化
故陰陽不交清濁相混隧道壅塞鬱而爲熱熱
留爲溼溼熱相生遂成臌脹其疾有四曰穀脹
曰水脹曰氣脹曰血脹若溺赤便閉脈數有力
色紫黑氣粗厲口渴飲冷唇焦舌燥者多屬於
熱如溺清便溇脈細無力色皓白氣短促喜飲

熱湯舌潤口和者多屬於寒又如腹脹按之不
痛或時脹時減者爲虛按之愈痛腹脹不減者
爲實凡脹滿飲食如常者其病淺飲食減少者
其病深施症施治未可固執也

試臆妙法

凡患臆脹未辨其症者試辨之法用鹽四兩炒熱絹包放臆
上水臆鹽化水若食臆鹽紅色血臆紫色氣臆黑色倘氣虛
中滿鹽色不改但試驗時必用白鹽奇驗

治五臆神效方

蘿蔔子四兩用巴豆十六粒同炒 牙皂一兩五錢煨去弦
沉香五錢 枳殼四兩火酒煮切片炒 大黃一兩酒焙
琥珀一兩 右共爲末每服一錢隨病輕加減鷄鳴時熱酒
送下薑皮湯下亦可後服金匱腎氣丸調理收功

治臌脹立效方

四五月將黃牛糞陰乾微炒黃香爲末每服一兩煎半時濾
清服之不過三服卽愈

又方

治一切臌脹發虛用 大田螺一個 雄黃一錢 甘遂

末一錢 麝香一分 先將藥末和田螺搗如泥以麝香置臍上用物覆之束好待大小便通去之重者用此相兼大小便大通病卽解矣

又方

雄豬腰子一個入大蒜頭四兩加小檳榔砂仁末三錢木香二錢砂鍋內河水煮熟空心服豬腰立效

又方

取舊葫蘆一個浸糞坑內一月取起掛長流水中三日炒黑爲末每兩加木香末二錢每日空心砂仁湯送下二錢神效

又方

大麥桿二兩烏紅豆二合葶薺四兩煮食七日愈此方得自鄉農因春末夏初受溼熱漸成胸悶腹大如鼓服此而愈試之屢驗

治水臌立效方

水臌腫胖者用 輕粉二錢 巴豆四錢去油 生硫黃一

錢 共研細末做成餅先以新棉一片鋪臍上次以藥餅當臍按之外以帛縛之如人行五六里時自然瀉下候五六次除去藥餅以溫粥補之久患者隔日方取去藥餅一餅可救

二十人其效如神愈後忌飲凉水

又方

陳芭蕉扇去筋燒灰存性五分 千金子去油殼二分五釐
滑石二分 共爲細末以腐皮包滾水送下十服全愈

又方

活黑魚一尾重七八兩去鱗甲將肚剖開去盡腸雜入好黑
礬五分松羅茶三錢男子用蒜八瓣女用七瓣共入魚腹內
放在磁器中蒸熟令病人喫魚連茶蒜喫更妙此藥從頭喫
起病從頭上消起如從尾上喫起卽從尾上消起立效之仙

方也此方兼可治氣臟神效不減

又方

砂仁 土狗 各一個研碎和酒服日作二料服之效

又方

數年陳蠶豆三四兩加紅糖二三兩蠶豆連殼熬服新病一次卽愈重者不過二三次神效無比

又方

燈草一握水四碗煎至二碗蘿蔔子一兩微炒砂仁錢微炒研末傾入湯內略滾盛入茶壺緩緩飲下水便暢達卽消

又方

氣虛水腫者用大蒜煮半熟入蛤粉搗爲丸食前白湯下二十丸小便下數桶而愈隨服補脾藥永不復發神效

又方

甘遂末一兩水調塗腹及臍令滿內服甘草湯其腫便消如神

又方

陳胡盧一個三五年陳糯米一斗作酒待熟用胡盧瓢於炭火上炙熱入酒浸之如此五六次將瓢燒灰爲末每服三錢

酒下神效

又方

水腫尿少者用醋炒針砂入豬脂生地龍各三錢甘遂末一錢葱汁和敷臍中約一寸厚以尿多爲度甚效

又方

水腫自足起者入腹卽殺人用赤小豆一斗煮極爛取汁五升溫漬足膝若已入腹但食小豆勿雜食自愈

又方

水臌脹手按之下陷不起者用鮮扁蓄草濃煎一大碗時時

飲之約半日許其水卽由小便下泄而腹亦寬舒四肢腫退而愈此方試之甚效

蟾蜍七個陳酒三斤置罐中煎去烱化以布瀝去其渣骨每飲一酒杯約一時後由大便通洩其腫自消

又方

治水臌法用西瓜灰煎水服之立卽水由小便而去放至數盆其身體卽時如故但此味之藥蘇州婁門內豐備義倉索

之卽得不取分文如患氣臌則不效矣

愚按西瓜皮灰製法未詳此條照原錄出閱者諒之

治氣臌立效方

將大蝦蟆一隻破開用大砂仁填滿腹中黃泥封固炭火煨紅冷定去泥研末陳皮湯調服放屁卽愈

又方

蘿蔔子二兩搗研以水濾汁用砂仁一兩浸一夜炒乾又浸又曬凡七次爲末每米湯送下一錢立效

又方

大麥拌硃砂喂雄雞取其屎澄清熬骨貼臍上氣洩卽愈

又方

雞內金一副 沉香 砂仁 各三錢 陳香櫟五錢去核

共爲末每服一錢五分薑湯下神效

又方

薑汁炒遠志五錢水煎服下氣通卽愈

又方

用紅蓼花根搗爛煮又服之卽愈

治血臆神效方

週身老黑色皮內有紫黑斑點者是用雄豬肚一具洗淨

茜草一兩 雄雞屎四兩炒焦 紫背浮萍一兩 老絲瓜

筋半條 各藥共藏肚內用麻線縫好煮熟去藥將肚切片

仍入原湯再加螞蝗二條燒枯存性 乾漆三錢煨令煙盡
炒蟲蟲 眞花蕊石研 眞血竭 各三錢 紅花 降
香 各五錢 甘遂 綿大戟 各麪包煨 芫花醋炒
各二錢 文武火煮透去藥食肚與湯分作二三次服服後
以大便下黑水數次爲驗其臍自消嚴禁鹽醬

治蠱脹神效方

凡中蠱毒腹內作響扑扑如鼓聲大小二便不通口乾作渴
者卽買豬鬃頭肥肉煎油不鹽不糖清晨溫和空心服至午
必瀉其毒必出於有水處瀉之其毒大粒者老綠色有毛一

粒能散開幾粒隨水面走小粒如菉豆芝麻大亦隨水面走而不能散開幾粒矣如腹中無毒無物瀉出止係水瀉食涼凍白粥止之但服此豬油約一飯盃七分滿卽效

又方

黑牽牛六兩研末取頭篩研細用二兩其餘不用 川破石一錢六分 牙皂一錢六分 厚朴二錢 枳實二錢 生川石枝二錢 瓦石子（俗名獅菴殼）燒紅用米醋泡化成炭用二錢 各爲末用糖煎成糖膠和藥末擣成丸如梧桐子大每次服二錢米湯送下一日一次宜節戒鹽及食鹹物

神效

治腫脹神方

用紅豆蒸鯉魚食若有汁飲之立效

治病後浮腫立愈方

老鴨三隻加真川厚朴二錢蒸熟食之連食三隻卽愈惟體

虛者勿服

又方

虛肥面腫積年氣上如水病但脚不腫者穀楮葉八兩納米

煮粥常食甚效

治黃腫立愈方

通身發黃肚腹脹大四肢極瘦者用肉蓯蓉三兩紅棗青礬各一斤入罐內煨煙盡爲末再將香附童便製麥芽半炒各一斤爲末和前末糊丸每酒下二十九丸甚效

又方

掘新鮮百部根洗搗罨臍上以糯米飯半升拌水酒半合揉軟蓋在藥上以帛包住一二日後口作酒氣自愈

又方

青礬四兩煨赤 蓮子當歸四兩燒酒浸七日焙 百草霜